



# 中國地方志集成

K295.1

20

✓ 上海府縣志輯 ⑤

乾  
隆  
婁  
縣  
志

光  
緒  
婁  
縣  
續  
志

光  
緒  
南  
匯  
縣  
志

民  
國  
南  
匯  
縣  
續  
志

上海書店 ● 巴蜀書社 ● 江蘇古籍出版社

責任編輯 盧建幸  
封面設計 范一辛

中國地方志集成

上海府縣志輯⑤

出版 上海書店

(上海福州路四〇一號)

印刷 上海市印刷七廠

發行 新華書店

上海發行所

定價 三〇七元

1991年6月第1版 1991年6月第1次印刷  
ISBN 7-80509-444-3/K·41

婁縣志序

沈休文作宋書無載晉魏而肥如一縣分屬廣陵沛郡論者以為失於限斷志固史之流別也婁舊無志自

國初析縣以來與華亭同附郡郭版籍殺混文獻難稽謝令莅任三載有志修舉適值前大理卿陸公讀禮家居之暇相與延請

婁縣志序

討論百四十餘年之故實初為新志悉本馬班之例辨異於同不煩不濫誠良史裁也而人物不分門目疆域不列星野尤為特識真不沿世俗之陋者顧以大理承明著作之才資於家世見聞網羅蒐輯勒為成書誠非兩難而余獨喜其核實綜要文約事該尤得史家謹嚴之體此則視其人之品

之守又不盡闕學矣嘗怪近代所作圖經

牽合影附率多矜夸不實甚或藉為游揚之具以班馬人物表猶有受金鬻筆之譏餘可知已謝令之為是書也虛衷商訂敦本務實其學與守一可見行將使一邑之人知所信從共相砥礪庶隅學修行舉以期勉為

婁縣志序

盛世良民是則余不獨為載筆者幸并為一方之風俗幸也故於其志之告成也樂得而為之序

乾隆五十三年夏月分巡江蘇松太等處觀察使者張銘序



婁縣志序

古之方志自越絕書始而顧啟期之婁地記顧夷之吳郡記次之越絕志越及吳二顧所記皆吳地也然則言地志者宜莫先吳矣漢之吳郡北距江南至嶺嶠地方數千里會稽割置以後猶包今江蘇六府州之地唐宋華亭一縣元析為二置松江府始別於蘇州明

婁縣志序

又析為三數世以後賦重民繁有司不能徧理又稍稍析之其勢然也

國朝底定江南順治十三年分華亭之西南境置縣取漢婁縣名名之同治郭下於時海氛告靖生聚日滋

聖祖時巡方岳於焉肆觀海隅蒼生仰受

天澤歡若家人

世宗蠲免浮糧俾景定官田五百餘年之害一

朝釋頁

皇上撫重熙之運久道化成文治田功漸被江海是縣有屢豐之慶無用威之煩故以

開國之建置

列朝之教養百四十年以來名臣節士孝子順孫異世間出前後相望至官師遷除賦役更定一方之經制繫焉而志乘闕如

婁縣志序

未有舉其事者問之耆舊稽之案牘蓋日遠日難矣吾宗大令彈琴多暇任優而學以守土之官徵文攷獻延致吾友大理卿陸公創為是志大典典校祕書延閣曲臺之藏皆其刊定茲以江東舊族資於家世見聞博采羣書旁蒐圖牒成書若干卷斟酌古今詳而有體良史別裁於斯為至時則清江

楊公以詞林宿望周列臺省老於掌故  
適來守是邦德星所聚仁風載揚婁  
之士大夫趨事勸功樂觀厥成不期歲  
而汗青可寫邦之政事於是乎出簿書  
期會於是乎稽可謂見其大者矣予嘗  
謂列史斷代為書自班氏而下相沿不  
草獨近世州縣之志更數十年而一修  
則取舊志更張之稍傳以新事於是前

人編錄之意遂不可復尋凡所記載不  
知著自誰何後世亦難引据且篇帙日  
繁勢將胡底是志出於創始前無所  
襲以大理鴻才雅體又得賢守令之  
助勒為成書後有作者循會稽續志  
之例勿紊施宿成規其亦可矣余家嘉  
善之清風淫舍北一水即婁之南竟舊  
德先疇諳其風土又以再奉使節典學

江南是書之成得與商榷自惟踈淺不  
能有所裨益蓋撫卷有餘愧焉

乾隆五十年十二月

經筵講官吏部左侍郎

上書房行走提督江蘇學政嘉善謝墉序



婁縣志序

縣各有志所以正疆域經土田稽賦稅  
豐物產輯氓庶興賢能利由茲興弊由  
茲除非徒備掌故已也顧前無承襲則  
創始難遞經沿革則徵引難廣為蒐輯  
則考核難非良史才博綜而嚴覈之固  
未易成書苟成矣非廉能吏及時振興  
之亦無由卒業攷婁置縣自秦始其名

婁縣志

序

最古歷漢晉未改中間省弗置者凡千  
一百五十年

國朝順治十三年析華亭縣地復置雍正  
二年又析縣之西南置金山今縣地東  
南界華亭西北界青浦東北界上海西  
南界金山及浙之嘉善廣四十餘里袤  
百里與華亭同附松江府治其大略也

洪惟

聖祖仁皇帝省方覃慶兩幸斯土

宸章闡澤敷賁雲天

世宗憲皇帝蠲免官田浮糧至優極渥我

皇上嗣服更加裁減時復疊沛

恩膏保泰綏豐迄今百四十餘年民物之阜

安川原之衍沃邑居之殷軫商賈之駢

坰與夫宗工傑士頡頏後先論都者稱

鉅邑焉余以循行時經其地眺崑機之

婁縣志

序

秀越溯泖澱之淪漣輒穆然于歐陽公  
豐樂亭記所云休養生息者若我

聖朝重熙累洽伊古以來實罕倫比豈不盛哉

縣本無志華亭僅傳前明舊本府志不

脩且百有餘年紀錄闕如謝令涖任三

年會大理卿陸公讀禮家居亟以此事

懇請大理典校中秘允推鉅筆于焉嚴

立體裁慎辨區域綜核廢興博徵文獻

逾年成書三十卷余受而讀之洵善志  
矣竊嘗以為敦俗莫若崇儉盡職必先  
有守有守而後職可盡崇儉而後俗可  
敦賢士大夫處則以禮教節儉化其鄉  
出則以廉直慎勤効于國于以對揚  
聖治寧有歟歟謝令能加意于斯可謂知所  
務矣抑知所務者即可知所法若李令  
復興之定均田均役法史令彬之設丁

婁縣志

序

三

產冊與區里簿其實心愛民何如也亦  
惟隨分自盡而已刻既竣請序于余因  
書以勗之

乾隆五十有二年歲次丁未孟冬中浣

撫吳使者吳興閔鶚元序



婁縣志叙

郡邑之有志史之流別也資紀述以  
踵成者易憑觀聞以創始者難婁之  
為縣肇於秦或以松江東北入海為  
婁江縣以受名吳張昭陸遜皆侯於  
婁是縣也而國之矣其後或隸於州  
郡或隸於軍府或統於華亭一縣以

婁縣志

序

二千年來之故實洎我

熙朝釐定之章程雖郡乘記載具有成書  
而婁為分邑版籍混淆文獻難攷即  
如崑基婉變轉指馬鞍泖息風雲妄  
談瓚井其他山川人物疆域沿革傳  
信傳疑未能枚舉固生是邦者所當  
講明而切究之抑守斯土者布治之



餘博求掌故亦賢士大夫之責也揚  
培山館丈出守雲間適謝明府來蒞  
是邑能興廢舉墜以為邑志不可無  
作延余同年陸耳山副憲纂輯成書  
丁未春余視學來是邦明府鉅板甫  
成來質凡三十卷書法謹嚴良史裁  
也發凡十例而特書曰新志明創始

也方今

聖天子紹膺寶籙教養休息醲化醇粹漸

訖海隅

特勅石渠東觀諸臣搜采海內數十年來  
所有事蹟及新定經制以增脩一統  
志則取郡縣各志而紬繹之緯之經  
經義該意晰豈以瑤珉所產靈淋所

鍾實為東南名邑而獨可闕如者乃  
曩昔婁之所無今於是乎在况以江  
東舊族鴻才久典秘書世推著作猶  
復博訪故老旁稽野乘而斟酌之而  
編錄之其足以信今傳後厥功匪淺  
是不獨守是邦與宰是邑者樂觀厥  
成即余之奉使節而至者亦樂藉此

以為采風問俗之資也是為序

乾隆五十二年三月下澣

賜進士及第

南書房供奉兵部左侍郎提督江蘇學政  
平湖沈初書於松江試院之叢桂堂



婁縣志纂輯銜名

主修

護理分巡松太兵備道松江府知府楊壽楠

承修

婁縣知縣謝庭薰

纂修

賜進士出身都察院左副都御史提督福建學政陸錫熊

協纂

已亥 恩科舉人揀選知縣徐大容

分纂

丁酉科舉人原任山東新城縣知縣汪熙

婁縣志

庚寅 恩科舉人揀選知縣孫宗炎

已亥 恩科舉人揀選知縣楊懌鑿

乙酉科舉人署吳縣教諭華錫瑞

辛卯科舉人懷寧縣教諭姜曦

癸卯 科舉人馮大淵

乙酉科拔貢生候選州同劉爾榮

已卯科副榜分發福建候補州判署永福縣知縣顧南浦

四庫館議叙候選縣丞瞿華

國學生候選州吏日王璋

國學生張崇鈞

華亭縣生員王嘉壁

參閱

婁縣學教諭陳鳳苞

賜進士出身原任廣東南雄府知府張孝泉

原任湖北德安府知府趙棟

誥封奉直大夫刑部主事沈映暉

候選部主事張景星

安徽候補布政司經歷署安慶府同知王翰

原任貴州施秉縣知縣朱履吉

賜進士出身原任淮安府教授黃達

馳封徵仕郎國子監學錄吳嗣宗

附貢生例授布政司理問職銜張夢喈

婁縣志

附貢生馬培傑

校對

癸卯 科舉人薛體洪

候選中書科中書朱瑛

例授太常寺博士職銜朱履祥

華亭縣學廩膳生張興載

金山縣學增廣生負徐麟

華亭縣學生負張興鏞

婁縣學生負吳學富

婁縣學生負馮大淳

采訪



婁縣志敘

鹿城東北三里許秦漢會稽郡之婁縣治也其域在禹貢揚州東南邊裔包今松太以外世言婁縣得名於婁江而婁江一水出太倉過崑山即姑蘇亦波及而有婁門之名馬三國時吳改縣而為婁侯國晉宋南齊又為婁縣梁省入信義縣尋分置崑

婁縣志

敘

山縣延及陳隋以後唐分崑山置縣華亭五季宋元明因之我

朝定鼎仍割華亭西南為婁同附雲間郡郭其建邑則依然古婁舊名也其劃邑則北去古婁治百三十里境內所復古婁故土尚未及十之一耳又况始復於順治丙申迨雍正丙午而金山增縣幾去其半耶然

自昔平原一村陸氏多英首爭傑出嗣是

賢哲代興近歲如文恭文敏更輝映於峯泖之間則人不為地所限地以人而大光也壬寅仲冬薰之來此漱谷陽之芳潤咀秀野之清華當夫情往興來上下千載每欲叩其掌故以求曩哲典型追布均田均役諸善政而我二三父老不過稍述其所

婁縣志

敘

二

傳聞者念考據之無書竊歎邑志之待修久矣論文獻婁非不足也論蒐羅婁非獨難也興修宜無所待而何以百餘年來遲之又久若有待焉者蓋志中各門皆先以治法垂鏡而顯闡幽微忠孝節義尤為闔邑德化關鍵秉筆者務得其人無徇私無阿好乃能信今傳後聞風而莫不興起甲

辰夏薰詳准修輯得上洋陸大理公總纂  
徐孝廉莪泚諸君子兢兢從事大要凜遵  
聖謨而鎔鑄經義史體舉綱張目循名責實凡  
研磨五十月而後竣昔先父眷公嘗丁寧  
教薰曰趙季仁身到處眼到處均不放過  
朱紫陽莅官所至輒搜其志乘薰敢希踪  
紫陽乎哉薰身到婁眼到婁惟恐放過而

婁縣志

敘

三

頻年耐心是役也謹以託重名流折衷賢  
達詳呈

各大憲鑒定自安愚魯亦何曾稍贊一辭  
然而陳諸左右即我圖史醒乎心目即我  
箴銘一切興廢舉墜濟溺起衰凡問途於  
已經總自檢我教養之所不及至於身臨  
地方豈曰整頓顧既切已體認亦竊願衆

觀摩而人心日趨於正風俗日歸於厚仰  
見斯文之化成我

國家淋氣磅礴而鬱積用覃洽於億萬年歟  
乾隆五十三年歲次戊申仲夏江蘇松江  
府婁縣知縣貴陽謝庭薰撰



婁縣志

敘

四

跋

右婁縣志計志十二表二傳六凡三十卷竊謂志與史近史自扶風班氏本龍門史記斷自高祖卓然成一代之書辨異於同史既有之志亦宜然婁自

國朝分縣以後衣冠甲第多萃於郡之西隅較他邑為盛百餘年間官斯土者未嘗徵文攷獻勒成一編無他仍舊者易

婁縣志

跋

為力經始者難為功也邑侯謝自南明府泣婁之三年政理人和與紳士聚而謀曰婁置自秦廢而為崑山析而為華亭及順治十三年始定新治一切疆索人物大率從同曷若因地起例覈其繫於吾婁者書之以明限同中有異不相混淆令耳目一新乎僉曰唯爰於鳴琴之暇徵諸見聞敦請光祿卿陸耳山

先生總其大綱畫然截然體例悉當以視前漢書古今人物表自亂其例多所牴牾者大相逕庭典核似孟堅而識又過之憶余童時承陸景房夫子格外垂青得與耳山先生同筆硯者二載有餘學植荒落顧瞻玉堂如在天上而耳山先生校書

天祿出其緒餘與謝明府商確今古分肌

婁縣志

跋

摩理亦博亦精不朽盛業於斯可見余以秉鐸婁庠挂名簡末是其果有遭乎因不揣固陋而跋其尾

婁縣教諭陵陽陳鳳苞謹撰



新志發凡十則

一志家門目為例不同即松江郡縣各志亦多有互異今稍仿史體述為志十二表二傳六凡三十卷而諸圖則分系各門亦古人左圖右史之義也

一康熙中

聖祖仁皇帝再幸松江

駐蹕俱在婁地而名山勝蹟及臣工之家先後賁錫

宸章者亦例宜特書謹作

巡典

宸翰二志恭冠卷端以對敬

恩寵焉

婁縣志

發凡

一志源於史法貴謹嚴近代撰圖經者意主矜夸漸至氾濫失寔今則務從簡括期於文約事該要在刊削繁瑣易資省覽

一婁為華亭分邑又同倚郡郭版籍易於淆混故一切紀載皆覈其繫於婁地者書之以明斷限至科

第人物尤多錯互今用土斷之法一以婁產為據不致貽誚摶摶

一婁為澤國水利所關至鉅然必脉絡分晰而後疏治之法始可講求今依水經注體標大水為綱而

以小水附之俾源委曲折次第可尋非云變例亦使來者得藉以考究利害云爾

一人物依史家列傳之例不分門目惟藝術沉寓列女方外四類未可合編仍為分傳亦史法也

一陸康史稱吳人又謂康使從子遜與子績將家還吳居於長谷則陸氏之在雲間實有明證特其子

孫非必槩居華亭故顧清府志以前不盡載諸陸

陳志始為備列而郭志因之近日蘇州志則謂不

得因華亭鶴唳一言盡移作松江人物然當時華

亭即吳郡鄉聚隨地皆可卜宅世遠年湮亦無以

辨其必在郡下故仍從舊志錄之至陸贄生於嘉

興陸康自先世即移家陝州不可傳會收入今俱

削去云

婁縣志

發凡

一地志舊例多載前人題咏碑志原所以備攷稽而末俗遂借為標榜之資日出危言紛紜無謂今第

取名流著作足為輿地增重及有關興廢利弊者

存之餘則並從刪汰

一松江吳地舊志以為上直斗牛而分野之說向多

牽合恭讀

御製詩篇深斥其妄今恪遵

聖訓不立此門

一凡地志多因襲增修而婁獨創始故用力較艱華

亭既未有新志明代舊本尤極蕪陋今所據者惟

顧陳郭三府志而自康熙改元以來又及百年久

未續輯文獻無徵莫斯為甚今雖博訪故老旁稽  
野乘而放佚尚多蒐羅未備不過猶具崖畧以為  
大輅椎輪考訂補綴有望於後之君子

婁縣志

發凡

三

婁縣志目錄

卷首上

巡典

卷首下

宸翰

卷一

沿革志

卷二

建置志

卷三

疆域志

婁縣志

目錄

卷四

山川志上

卷五

山川志下

卷六

民賦志上

卷七

民賦志下

卷八

學校志

卷九



軍政志

卷十

祠祀志

卷十一

食貨志

卷十二

藝文志

卷十三

名蹟志上

卷十四

名蹟志下

婁縣志

目錄

卷十五

祥異志

卷十六

官師表

卷十七

選舉表上

卷十八

選舉表下

卷十九

名宦傳

卷二十

二

人物傳一 漢至隋

卷二十一

人物傳二 唐至明

卷二十二

人物傳三 明

卷二十三

人物傳四 明

卷二十四

人物傳五 明

卷二十五

人物傳六 國朝

婁縣志

目錄

卷二十六

人物傳七 國朝

卷二十七

藝術傳

卷二十八

列女傳上

卷二十九

列女傳下

卷三十

流寓傳

方外傳

三